

夜御興仁堂引見勲臣洛興君金自點青雲君沈命世等自點以扈衛大將入直命世以副揔管入直承旨史官入侍之後合司有再啓故承旨金壽賢啓曰合司方有再啓而注書及左右史俱入侍何以為之未知臺諫直入以啓乎出送史官受來乎上曰使史官受來可也於是使注書及右史出往政院與直院承旨接臺諫受啓草史官又傳于入侍承旨則承旨啓曰臺諫啓辭未及正書何以為之上曰以草進讀承旨金壽賢進讀啓草上荅曰毋煩注書及右史書傳批荅於臺諫然後還為入侍金自點等極陳人心危懼及仁城罪狀再三進啓且斥鄭蘊為仁城立異於合司之論則上皆不荅仍賜酒饌於入侍諸臣又賜自點命世錦段○夜東方西方有氣如火光○戊寅上晝講益子于資政殿知事徐渚進曰臣年迫致仕固宜退去而又忝主兵重任罔知攸措今之兵務甚為無形逃故一事大段之弊急速充定然後可成模樣不然則將作無兵之國矣預令列邑充定軍額何如近來不能多得軍兵者國家法令之不嚴也祖宗朝則雖士族之人未免軍役去而今則不然若是士族雖不解文字不知弓矢者皆作閑遊之人為軍者只貧殘之民故既定之後便皆逃散軍政虛踈實由於此耳上曰今之軍政必經大段舉措然後可以充定充